



Մ Ա Յ Ր Ա Թ Ո Ռ Ո Ւ Մ

ՀՈԿՏԵՄԲԵՐԻ 30-ԻՆ, ՀԻՆԳՇԱՐԹԻ, Ժամբ 4-ին, Հոգևոր ճեմարանում բանախոսեց ուխտավորաբար Ս. Էջմիածին եկած ծանոթ բանաստեղծ Վահե-Վահյանը՝ «Սփյուռքահայ գրականությունը» թեմայի շուրջ, որը լավեց մեծ հետաքրքրությամբ:

Բանախոսության վերջում վերատեսուչ սրբազանը շնորհակալություն հայտնեց պր. Վահե-Վահյանին՝ նրա շահեկան բանախոսության համար:

ՆՈՅՆՄԱՐԵՐԻ 2-ԻՆ, ԿԻՐԱԿԻ, Մայր Տաճարում պատարագեց և հավուր պատշաճի քարոզեց հոգեշնորհ Տ. Մեսրոպ վարդապետ Անթաթյանը:

Սուրբ պատարագին ներկա էր Վեհափառ Հայրապետը:

ՆՈՅՆՄԱՐԵՐԻ 6-ԻՆ, ՀԻՆԳՇԱՐԹԻ, Հոգևոր ճեմարանում, հերթական դասախոսության ժամին, բանախոսեց գրագիտուհի տիկին Սիրան-Սեզա Բյուսեյանը, «Կրոնը իբրև կոչում և իբրև ասպարեզ» թեմայի շուրջ: Բանախոսությունը լավեց մեծ հետաքրքրությամբ:

ՆՈՅՆՄԱՐԵՐԻ 9-ԻՆ, ԿԻՐԱԿԻ, Մայր Տաճարում Վեհափառ Հայրապետը, գերապատիվ Տ. Մամբրե արքեպիսկոպոս Սիրունյանի խարտավիլակությամբ, եպիսկոպոս ձեռնադրեց հոգեշնորհ Տ. Գնել ծայրագույն վարդապետ Ճերեճյանին, Մեծի Տանն Կիլիկիո Կաթողիկոսության Տեղապահ ամենապատիվ Տ. Խադ արքեպիսկոպոսի գրավոր միջնորդագրի հիման վրա:

Նույն օրվա 19-ին նորապսակ Տ. Գնել եպիսկոպոսը Մայր Տաճարում մատուցեց իր առաջին պատարագը:

ՆՈՅՆՄԱՐԵՐԻ 16-ԻՆ, ԿԻՐԱԿԻ, Ավագ Սեդանի վրա պատարագեց արժանապատիվ Տ. Մկրտիչ քահանա Մկրտչյանը և քարոզեց հոգեշնորհ Տ. Մեսրոպ վարդապետը՝ «Ես եմ ճանապարհ, ճշմարտություն և կեանք» բնաբանով:

Սուրբ պատարագին ներկա էր Վեհափառ Հայրապետը:

ՆՈՅՆՄԱՐԵՐԻ 17-ԻՆ, ԵՐԿՈՒՇԱՐԹԻ, առավոտյան ժամը 11-ին, Վեհափառ Հայրապետին այցելեց չեխ հայտնի գիտնական և հայագետ պրոֆ. Յարոմիր Նդլիշկան:

Վեհափառ Հայրապետը սրտագին գրույց ունեցավ չեխ հայագետի հետ՝ հայ մշակույթի վերաբերյալ հարցերի շուրջ:

Հարգելի հյուրը ապա այցելեց Մայր Տաճարը, եղավ հնագիտական Թանգարանում, Հոգևոր ճեմարանում: Վերջում պրոֆ. Յարոմիր Նդլիշկան Մայր Աթոռի ոսկեմատյանում հայերեն գրեց հետևյալը. «Նոր զգացմունքով և խոր հարգանքով կանգնած եմ Ս. Աթոռի Տաճարում, որ աշխարհի բոլոր հայերի հոգևոր կենտրոնն է: Շատ շնորհակալ եմ, որ հնարավորություն ունեցա էջմիածինը և Վեհափառ Հայրապետին տեսնելու և անձամբ զրուցելու: Վեհափառին բաջառողջություն եմ ցանկանում»:

ՆՈՅՆՄԱՐԵՐԻ 20-ԻՆ, ՀԻՆԳՇԱՐԹԻ, Ժամբ 1-ին, Հոգևոր ճեմարանի հայոց լեզվի և գրականության դասախոս պր. Պարգե Շահբաղյանը բանախոսեց «Շիրվանդադեն» թեմայի շուրջ, մեծ վիպասանի, ծննդյան 100-ամյա հոգեկյանի առիթով: Հարգելի բանախոսը գեղեցկորեն ներկայացրեց մեծ գրողի գրական վաստակը, հանդամանորեն

կանգ առնելով Շիրվանզադեի բազմակողմանի և հարուստ գրական ժառանգության մասին և հարուստ գրական ժառանգության մասին: Վերջում վերատեսուչը խորին շնորհակալություն հայտնեց հարգելի բանախոսին՝ այդ գեղեցիկ ու շահեկան դասախոսության համար:

ՆՈՅՆՄԱՐԵՐԻ 21-ին, ՈՒՐԱԹ, «Ընծայումն Ս. Աստուածածնի ի Տաճարն»:

Մայր Տաճարում սուրբ պատարագ մատուցեց արժանապատիվ Ս. Հակոբ քահանա Բելամյանը և օրվա տոնի մասին քարոզեց լուսարարապետ գերաշնորհ Ս. Սահակ արքեպիսկոպոսը:

Նույն օրը, ժամը 2-ին, Վեհարանում կայացավ մանկավարժական խորհուրդ, Վեհափառ Հայրապետի բարձր նախագահության տակ, մասնակցությամբ Հոգևոր Ծեմարանի տեսչական և դասախոսական ամբողջ կազմի:

Քննության առնվեցին Հոգևոր Ծեմարանի ուսումնական պլանի, ներքին կարգապահության, ուսանողության, աշխատասիրության, կազմակերպված սերտողության վերաբերյալ հարցեր և ընդունվեցին համապատասխան գործնական որոշումներ:

Մանկավարժական խորհրդակցությունից հետո, ժամը 3.30-ին, Վեհափառ Հայրապետը բարեհաճեց Իրեն սեղանակից դարձնել Հոգևոր Ծեմարանի տեսչական և դասախոսական ամբողջ կազմին:

ՆՈՅՆՄԱՐԵՐԻ 23-ին, ԿԻՐԱԿԻ, Մայր Տաճարում պատարագեց Ս. Հակոբ քահանա Հակոբյանը և քարոզեց հոգեշնորհ Ս. Հուսիկ արքեպիսկոպոսը՝ «Հայր մեր» ընթերցանով:

ՆՈՅՆՄԱՐԵՐԻ 29-ին, ՇԱՐԱԹ, «Տօն Սրբոց Առաքելոց և առաջին լուսաւորչացն մերոց Թադէոսի և Բարթողիմէոսի»:

Մայր Տաճարում, օրվա եկեղեցական մեծ տոնի առիթով, պատարագեց արժանապատիվ Ս. Հովհաննէս քահանա Մարությանը: Սուրբ պատարագին ներկա էր Վեհափառ Հայրապետը:

ՆՈՅՆՄԱՐԵՐԻ 20-ին, ՇԱՐԱԹ, հետ միջօրեի ժամը 1.30-ին, Հոգևոր Ծեմարանի հանդիսությունեց սրահում տեղի ունեցավ հանդիսավոր նիստ՝ նվիրված Հայաստանում Սովետական կարգերի հաստատման 38-րդ տարեդարձին:

Հանդիսավոր նիստին ներկա էին Մայր Աթոռի ամբողջ միաբանությունը, Հոգևոր Ծեմարանի տեսչական և դասախոսական կազմը, ուսանողությունը, Մայր Աթոռի ողջ պաշտոնեությունը:

Հայաստանում Սովետական կարգերի հաստատման 38-րդ տարեդարձի ազգային մեծ տոնի պատմական նշանակության մասին բովանդակալից և գեղեցիկ զեկուցումով հանդես եկավ Հոգևոր Ծեմարանի դասախոս պր. Գրիգոր Գյուլյանը:

ՆՈՅՆՄԱՐԵՐԻ 29-ին, ՇԱՐԱԹ, երեկոյան ժամը 7-ին, Վեհափառ Հայրապետը Հոգևոր Ծեմարանի ուսանողության դասախոսեց «Մաքրություն» թեմայի շուրջ, որը լսվեց մեծ հետաքրքրությամբ և երախտագիտությամբ:

ՆՈՅՆՄԱՐԵՐԻ 30-ին, ԿԻՐԱԿԻ, Մայր Տաճարում պատարագեց և քարոզեց արժանապատիվ Ս. Հովհաննէս քահանա Մարությանը:

Սուրբ պատարագին ներկա էր Վեհափառ Հայրապետը:

Հավարտ սուրբ պատարագի, Վեհափառ Հայրապետի հանդիսադրությամբ կատարվեց Կառավարական մաղթանք, հավատացյալների խոսն բազմության ներկայությամբ, Հայաստանում սովետական կարգերի հաստատման 38-րդ տարեդարձի առթիվ:

